

աղջկանց յեկեղեցւոջ զերգս գովութեան իւրոյ յաւուր
տօնի Զատիկին: Պատուական համարէր զվերակացութիւն
հարկաց քան զպատիւ եպիսկոպոսութեան իւրոյ: Ուսու-
ցանէր թէ՛ Յիսուս ընկալաւ զբանն, այսինքն զգորու-
թիւնն Աստուծոյ (որ բնակեաց 'ի նմա, սկիզբն արա-
րեալ 'ի յղութենէ մինչեւ ցշարշարանսն): Ժողովք երեք
եպիսկոպոսաց գումարեցան յԱնտիոք, յերկուս առաջին
Ժողովսն, (264) որ եղեն առաջնորդութեամբ Փիրմիլիա-
նոսի եպիսկոպոսին Կեսարու Կապադովկացւոց՝ պատրեաց
զհարս պատ 'ի պատ րանիւք և սուտ զղջմամբ, այլ յեր-
րորդումն (269), որում առաջնորդէր Հեզինոս եպիսկոպոս
Տարսնի, կոչեցաւ և Դիոնիսիոս եպիսկոպոս Աղեքսանդ-
րիայ. այլ նա վասն ծերութեան իւրոյ գրով յայանեաց
զգաւանութիւն հաւատոյ՝ զոր ունէր. դուաւ 'ի Ժողովի
աստ ընդ այլսն և Հիմէնոս եպիսկոպոս Երուսաղէմի, եւ
այլ երիցունք և Սարկաւաղունք. Մաղքիոն երէց Եկեղե-
ցւոյն Անտիոքայ, վարժ հելլենական դպրութեան եւ հը-
մուտ աստուածային դրոց, խայտառակեաց զնա յատենի
անդ. ընկեցաւ Պօղոս յԱթոռոյն, և հարքն՝ սիւնհոգոսա-
կան թղթով (առ Եւսեբեայ) ծանուցին զանցսն համօրէն
Կաթուղիկէ եկեղեցւոյ: Բայց Պօղոս ոչ մեկնեցաւ 'ի բաց
յԱթոռոյն՝ պաշտպանութեամբ Զնորիայ դշխոյին Պալմի-
րացւոց, որում սիրելի իսկ էր. այլ իբրեւ ըմբռնեցաւ
Թագուհին յԱւրելիանեայ (272). արտաքսեցաւ եւ Պօղոս
անարգանօք 'ի ձեռն աշխարհական իշխանութեան յե-
պիսկոպոսարանէ անտի:

Իսկ եպիսկոպոսն Երուսաղէմի Հիմէնոս վարեալ խա-
ղաղութեամբ զիշխանութիւն իւր վախճանեցաւ, և զկնի
նորա կալաւ զաթոռն Զարթաս, և ապա Հերմոն, մինչեւ
'ի Ժամանակս հալածանաց: Սա առաքեաց զԵփրեմ եպիս-
կոպոս 'ի Թուրքաստան, և զՎասիլիոս եպիսկոպոս 'ի Քեր-
սոն, այն է Որիմ, վասն քարոզութեան. իբրեւ նահա-
տակեցին Քերսոնացիք զՎասիլ, առաքեաց Հերմոն զա-
շակերտ իւր Աթիրիոս եպիսկոպոս, զայր սուրբ և առա-
քինի. իբրեւ ոչ ընկալան զնա Քերսոնացիք՝ ձեռնտուու-
թեամբ Կոստանդիանոսի հան անտի զմնացեալ անհաւատս
եւ բնակեցոյց զքրիստոնէայս և շինեաց զեկեղեցիս, և 'ի